



Arubaanse Courant

ANJA 25

DIAHUEBS 20 FEBRUARI 1964

No. 4969.

Delegacion PANAM impresiona a sali bai di Aruba

ORANJESTAD, 20 Febr. - Ayera e delegacion di diezdos persona di Pan American Airways cual a haci un bishita corticu na Aruba a laga nos isla a-trobe impresiona di loke nan a mira y tende di e progreso actual di e isla aki. Dia binti seis di April venidero PANAM ta spera di haci su promer vuelo ida y vuelta for di Aruba cu avionan Jet, segun e lider di e delegacion sr. William Raven.

Diamars e delegacion di PANAM cual a bishita Aruba tabatin un lunch ofrece door di B.C. na Aruba Caribbean Hotel Casino. Na lunch aki tabata presente deputadonan G.A. Oduber y A. Falconi, tambe secretario di Teritorio Insular L.C.M. Kerstens, deputado y Gezaghheber interino I.S. de Cuba, agente di PANAM na Aruba sr. P. Wurtsz representando Maduro & Sons y alavez hefe di stacion di aeropuerto senyor V. C. Heemskerk y hefe di oficina di turismo senyor Michael Kuiperi, kende na number di gobierno di Aruba a duna e delegacion di PANAM un informacion tocante di e crecemento, facilidad y desaroyo di turismo na Aruba. Papiando ariba crecemento di turismo senyor Kuiperi a splica con turismo tabata un anja promer cu Basi Ruti tabata clay con cu e desaroyo di Palm Beach y trahamento di otro hotel turismo na Aruba a crece. Cugrafiek senyor Kuiperi a duna e delegacion, cu a muestra masha hopi interes pa e splicamento e crecemento exactamente. Tambe e hefe di oficina di turismo a muestra e fa-

cididadnan cu Aruba tin pa brinda e turistanan y loke ta worde haci pa extendi e facilidadnan akitanto posibel. Como ultimo punto senyor Kuiperi a muestra ariba e desaroyo di turismo e projectonan y e plannan pa sigui desaroya esaki.

Entre otro plannan cu tin ariba Plan di diez anja pa mas desaroyo di industria di turismo na Aruba. Diferente miembronan di e delegacion encabeza pa senyor William Raven a haci preguntanan en cuestion cu turismo y plannan cu esaki en general. E lider di e delegacion senyor William den palabra di gradicimento a splica con e delegacion a keda impresiona di loke nan a mirana Aruba. Diferente dinan pa di promer biaha a bin Aruba, y algun a yega di bin Aruba hopi tempopasa door di cual nan a keda mas impresiona ainda di e desaroyoe enorme di Aruba.

Cocktail Panam

Diamars anochi e agente di Panam na Aruba, SEL Maduro & Sons a duna un cocktail party den Aruba Caribbean Hotel Casino na

unda tabata presente deputado E. O. Oduber, hefe di stacion di aeropuerto senyor C. Heemskerk, hefe di oficina di turismo senyor M. Kuiperi. Tambe diferente agentenan di compania di aviacion cu ta baha na Aruba y relacionan importante di Maduro & Sons. Senyor P. Wurtsz director di SEL Maduro & Sons na Aruba a percura pa e presentenan no a falta nada. Cu e Cocktail PANAM aki un inicio a worde haci cu relacion oficial cu e compania aki di aviacion na Aruba. Yen di bon impreson e delegacion a laga Aruba ayera.

FATUM - Tel: 1845
pa tur bo aseguronan

URNA A WORDE HANJA

Santa Cruz, 20 Febr. - Durante cobamento di un graf den e santana di Santa Cruz, senyor Janchi Werleman, kende tabata haciendo e trabao aki a sinti su piki dal ariba algo seco. Despues di a coba cu mas cuidao el a descubri cu el a dal a riba un urna cual probablemente restonan mortal. E urna aki ta un di e diferentenan cu sa worde hanja na Aruba. Kiko lo worde haci cu e urna no ta conoci ainda, pero kizas esaki lo ta algo di balor pa "Aruba Nostra" e organizacion cu a worde estableci pa proteha cultura y naturaleza di nos isla, y cual organizacion tin intencion tambe di funda un museo na Aruba.



C.C. ta organisa "Fotosalon 1964"

ORANJESTAD, 20 Febr. - Cien y cincuenta florin na premionan lo tin pa e mihor cinco portretnan cu worde manda aden den e concurso di portret, cual lo worde organisa door di Aruba Camera Club bao di e titulo Fotosalon 1964. Participacion na e concurso aki ta habri pa tur fotografian amateur di Antillas, mientras cu participacion door di profesionalnan sin oportunidad pa gana

premio ta worde aprecia. E participacion por tuma lugar unicamente cu portretnan preto cu blanco, di cual esun cu mande ta liber pa escohe e subjeto. E portretnan pa e participacion tin di worde manda serca senyor L.C. Kerstens promer cu dia promer di April na bestuurskantor Aruba. Participacion ta tuma lugar bao di pseudonim. E portretnan lo worde exhibi for di dia cuater te dia diez un di April den Centro Cultural, mientras cu ta existi plannan cu e exposicion lo worde tene ariba otro islanan di Antillas tambe. E ganadornan lo worde stipula door di un hurado independiente. E portretnan mester ta pa lo menos cuater cien centimetro cuadra, pega ariba carton of den passe partouts y saka y emprimi door di remitidor personalmente. E promer premio ta un bon di cincuenta florin.

Siman pasa canceller federal Erhard di Alemania a delibera cu president De Gaulle na Paris, tocante e cooperacion Europeo. Durante e bishita aki e portret aki a worde saca di edos hefenan di estado.

"Baby" Pignatari tabata na Aruba

Oranjestad, 20 Febr. - Despues di algun dia di bishita na nos isla "baby" Pignatari, e multimillonario cu ta biba na Rio de Janeiro a bolbe Brazil. Na Aruba e por worde mira majoria parti den compania di su amigo e artista mericano cu na e momento ta actuando den Klompen Klub di Aruba Caribbean Hotel, Tony Martin. Pa e algun dianan na Aruba e multi milionario aki tabata tin un total di maleta y falles manera un piramida. E transporte di su maletanan pa Rio de Janeiro ta \$ 515, un pasashi ida y vuelta cu avion pa Europa.

Represailenan di Merca contra Comercio cu Cuba

WASHINGTON, 20

febr.- Merca a anuncia qu nan a stop qu ehecu-sion di programanan pa ayudo militar na Inglaterra, Francia y Jugoslavia pasombra bapornan y avionnan dje islanan aki te ainda ta relaciona qu comercio na Cuba.

E ayudo cu nan ta stop aki no ta hopi.

E medida Mericano ta bini di un stipulacion dje proposicion di ley tocante ayudo na exterior, cu na december a wordu aproba. Segun estipulacion aki nan mester stop e ayudo militar y economico enbista di paisnan cu en contra di 14 di februari no a tuma medidanan necesario pa evita nan bapor y avionnan participa ne comercio cu Cuba.

Merca a pidi Spaña y Marokko cu ta hanja mas tantu ayudo me-

ricano pa cumpli cu e pasonan cu nan mester tuma pa cumpli cu deseo di Washington. Segun un bobero di State Department a participa, cu excepcion dje cincunanan aki tur otro pais a cumpli cu e deseo di Merca. El a bisa cu e ayudo militar na Inglaterra, Francia y Jugoslavia ta existi di un resto masha chiqui di cifras pa educacion militar di ventanan. Nan lo duna e cifranan exacto despues. Jugoslavia ta mantene sin embargo e posibilidad pa cumpra e produccion agraria cu Merca tin di mas cu un propio valuta enbes di cu dollar. Mientras nan ta spera un contesta di Spaña y Marokko nan lo no stipula ningun programa nobo pa ayudo nepaisnan aki.

Segun nan ta bisa Spaña lo bini den un periodo 1963/1964 den ripara pa un ayudo militar di 31,5 million dollar. E bobero mericano no kler a contesta preguntanan, di con Turquia y Grecia no ta cal bow dje medida di exclusion, mientras hopi bapor dje paisnan aki ta relaciona den comercio cu Cuba.

HAVE A REAL CIGARETTE

HAVE A CAMEL



ARUBA'S FAVOURITE CIGARETTE



Delegacion Antillano a sali pa Israel

Schiphol, 19 febr. - Un delegacion Antillana consistiendo di tres miembro a sali awe mainta di Schiphol cu avion pa Israel, unda nan lo delibera un siman tocante posible avia tecnico di Israel na Antillas. E delegacion ta consisti di minister Petronia di Finanzas, prosperidad, ensenanza, cultura y educacion, y tambe di dos autoridad di Aruba, esta gezaghebber O.S. Henriquez y diputado F. Tromp.

E viahe pa Israel ta consecuencia di un bishita, cu un mision comercial di Israel a haci aña pasa na Antillas.

Minister Petronia y dos miembro di bestuurscollege di Aruba ta worde spera na Ulanda dia 27 di luna aki.

Minister Petronia por lo pronto lo no bini Antillas, ya cu e lo participa na e di cuater reunion di e conseho consultativo cultural di reino, cual lo tuma lugar di dos te dies di maart.

TRANKILIDAD NA CYPRUS

NICOSIA, 20 febr. Despues di un anochi yen di incidentenan serio tabata awe den dia ketu na Cyprus. Den distrito Kokkina (norestre di Cyprus) te ainda tin tension entre comunidad Griego y Turco, pero nan no a tira. Foi Inglaterra a llega awe 300 militar, mientras cu 1600 solda ta para cla pa sali tambe pa Cyprus. Gabinete britanico bow di direccion di Sir Alec Douglas Home a papia awe na Londen tocante aumento di trupan dje forza di paz y e situacion militar en general na Cyprus.

Den camara di delegacion mi-

nister di asuntunan exterior Butler a rechaza un sugestion di oposicion pa representa Gran Britania personalmente na tratamentu dje kestion Cyprus door di conseho di seguridad.

Secretario dje asosacion Turco Chypriota na Gran Bretaña a manda un telegram pe conseho di seguridad den cua e ta bisa di ta spera cu e conseho lo haci tur loke e por ta un separacion dje isla, locual lo evita mas dramamentu di sanger. E lider dje ex organisacion Griego Chypriota ilegal "eoka", general George Grivas, awe nochi a desmenti, na Athena tur noticianan cu ta circula den exterior, segun cua e ta responsabel pe mandamentu di arma pa Cyprus. E rumor nan sin base aki ta ser haci pa pone den discredito, segun e general.

-E minister Turco pa asuntunan tocante informacion a declara ayera na periodistanan na Ankara, cu si conseho di seguridad lo no ta capaz di yega na un acuerdo riba un plan cu por worde ehecuta pa mantene paz na Chirpre, esaki casi sigur lo trece un guerra completa entre Chypriotan Griego y Turco riba e isla, na cual Turquia lo haya obliga na interveni.

Aruba representa Amstel-Pto. Rico na apertura di

ORANJESTAD, 20 febr. - Den nos edicion di ayera nos a skirbi cu un delegacion Antillano a biah pa Puerto Rico pa asisti na e inauguracion di un cervceria Amstel. Sr. I. (Oiky) Posner, director di Licores Aruba, agente di Amstel tambe ta pertenece na e delegacion di Antillas, formapa srs. J.A.J. Sprock, drs. H.J. Sprock y e hefe brouwmeester, T. Haggemacher. Diadomingo mainta e delegacion ta regresa.

Na e bringamentunan violente cu tabatin siman pasa na Limmassol, Cyprus, un clinica tabata e centro di hopi accion. Cypriotan Turco a tuma puesto den e clinica, pero esaki a worde conquista despues pa Cypriotan Griego. E bista tragico aki ta duna un impresion di e lucha.

HET BESTUURSCOLLEGE VAN HET EILANDGEBIED ARUBA

maakt bekend dat op 3 maart 1964 om 11 uur v.m.

openbare aanbesteding

wordt gehouden op het kantoor van het Hoofd van de Dienst Openbare Werken voor:

Het vernieuwen van het dak met plafond boven de afdeling Sociale- en Economische Zaken van het Gerechtsgebouw te Oranjestad, volgens bestek no. 3, dj. 1964 D.O.W.

Bestek en tekeningen zijn op voormeld kantoor verkrijgbaar tegen betaling van F. 10, --.

Restitutie F. 7,50 uitsluitend op de dag van aanbesteding.

BO A PIDI

GAS CABA?



1898 - 1198



Materialnan di construccion di calidad y na prijs atractivo esey ta solamente na

PETRONA & CROES

TA HUUR UN CAS MUEBLA

cu e.o. 3 dormitorio
(di cual dos aire-acondicionado)
situa na Oranjestad.
Obtenible di awor te cu fin di aña.

Pa informacion jama tel. 1116/2116

GOBIERNO NOBO NA GRECIA

ATENAS, 20 FEBR. E gobierno nobo di Grecia, bou di direccion di George Papandreou a hura dilanti di rey Pablo.

E gobierno ta consisti completamente di miembronan di e union di partidonan di centro, cu na e ultimo eleccionnan a obtene 174

asiento di e 300 asientonan den parlamento.

**'WAAK
BON
PROME BO
CUMPRA!**

Un auto mancaron bo por cambia.....
un sapato mancaron bo por cambia.....
pero un vloer di mosaico mancaron si ta un problema grandi!

Pesey cumpre calidad prome bo dicidi:
Nos ta spera bo na
FABRICA DI MOSAICOS

PICHARDO

Barbadoweg 8 - Portrero entrada Rondweg pariba di Aruba Gas Supply.
tel. 1637

Durante un reunion na Amsterdam e Valentijn Comite di Hurlanda a honora sra. M.C. Hermans esposa di Toon Hermans cu tin un gran partiden e shownan di su esposo. Cu un sonrisa feliz senjora Hermans ta ricibi un boeket di flor y otro regalonan.



Dakota a supera Tropical cu 2-1

(Di Nos Redactor Deportivo)
Victoria number shete e equipo dakotenjo a logra diamars anochi den Wilhelminastadion ora cu nan a derrota Tropical cu anotacion di dos gol pa uno. Cu e resultado aki e dakotjonan ta continua cu nan marcha triunfal y ta mantene nan invicto. Ademas di e shete victorianan, nan tin tambe cuatro empate, loke ta duna nan un total di 18 puntos pa continua na cabes di e campeonato mayor di nos futbol.
Mendiant e un penalty cobra door di Nulfo Steba den 34 minuut di e promer tempo, Dakota a tuma ventaha di 1-0, cu cual score halftime a bal aden.
Durante e promer mitad tabata tin un dominio di Dakota, pero poco shooting di parti di e delanteronan. E segundo tempo tabata 33 minuut bieeuw ora cu Dakota ta aumenta su ventaha. For di

pase si Dany Pablo, ta presenta e chens pa Jimmy Richardson, kende ta shot direct y duro den gol pa penetra e gol cuida door di Pedro Dijkhoff.
E portero di Tropical tabata tin un actuacion masha bon e anochi aki tahando shotnan pelligroso di Nulfo Steba y Jimmy Richardson den gran forma.
Tres minuut despues di e segundo gol di Dakota, Tropical ta anota su unico tanto. Durante un scrimmage, Osberio Antersijn ta provecha di un chens cu a presenta p' e y ta pone un intahable shot.
E partido a caba cu anotacion 2 pa 1 den favor di Dakota. Den e promer rond e dos teamnan aki a hunga pa un empate di un gol pa banda y incluyendo e partido di diamars anochi, nos ta hanja awor e siguiente tabla di posicion:

CLUB	WH	WG	WE	WP	PTS
DAKOTA	11	7	4	-	18
DAKOTA	10	7	-	3	14
R.C.A.	10	7	-	3	14
ESTRELLA	10	6	1	3	13
SAN NIC JRS	10	4	3	3	11
JUV MILLON	8	3	1	4	7
JONG ARUBA	10	3	1	6	7
TROPICAL	11	3	1	7	7
ARUBA JRS	10	1	1	8	3

T A B E N D E

Un cas situa na Ajo 33
Erfpachtperceel 500 m2 den 2de district
Un cas situa den dr.Schaepmanstraat
(blok nr. 190) na San Nicolas.
Pa comprador solido tin posibilidad pa hanja hypotheca.

Pa mas informacion acudi na
BOUWCREDIETBANK N.A.

Wilhelminastraat 34 Tel. 1224

Reunion di Ministro cu A.S.U. y N.A.O.C.?

(Di nos Redactor deportivo)

ORANJESTAD, 20 Febr. - Ta existi un gran posibilidad cu despues cu S.F. Ministro Petronia regresa for di Hulanda, e lo organisa un reunion entre e organisacionnan deportivo maximo di Antiyas Hulandes. Ta trata di Aruba Sport Unie (di Aruba) hunto cu VeCuSpo (di Corsow) y N.A.O.C., cual bien por worde bisa tambe ta di Corsow. N.A.O.C. ta e Comité Olimpico pa Antiyas Hulandes, pero na cual no tin ni un solo organisacion arubano afilia. Normalmente un Comité Olimpico ta consisti di federacionnan nacional pa e deportenan reconoci door di Comité Olimpico Internacional, pero den N.A.O.C. ta unicamente un federacion antiyano tin y esaki ta N.A.V.U. Cu antiyano nos ke meen organisacion cu a worde forma conhuntamente door di mas di un di e partinan di antiyas cu ta practica tal deporte. Y e unico persona procedente for di Aruba cu tin un puesto den N.A.O.C. ta **Potirio Croes** como uno di e dos representantenan di N.A.V.U. Por lo demas N.A.O.C. ta consisti unicamente di bondnan y personanan di e isla di Corsow.
Manera ta conoci anja pasa na maart Ministro Petronia, despues cu e Resolucion di A.S.U. a dicide di nombra dos mediador deportivo, kende nan lo mester a busca un solucion pa e conflicto deportivo.
Despues cu e mediadornan a propone na A.S.U. pa no aplica sancion e bondnan cu logra un federacion, cual proposicion a worde trata den un reunion general teni dia 15 di november 1963 y a worde atende tambe door di e dos mediadornan, y cual proposicion a worde rechaza door di e reunion general, e mes reu-

nion aki a expresa desconfianza den e dos mediadornan Ricardo Elhage di Corsow y Frans Figueroa di Aruba. Di e mocion di desconfianza aki Ministro Petronia a worde poni na haltura y alavez el a worde suplira pa extende un invitacion na Comité Olimpico Internacional pa delega un of dos representante pa Antiyas pa hanja un solucion pa e problema cu ya tin tanto anja pendiente.

Tur esaki a tuma luga den luna di november y te awor, tres luna despues, ainda no ta conoci kiko definitivamente ta e proximo paso.
Ta conoci cu e mediadornan a entrega un rapport temporal caba na Ministro y cu pronto tambe nan lo entrega un raport definitivo. E raportnan sin embargo lo no por menciona ningun exito ya cu den e anja (cu otro luna lo worde completa) cu nan tin nombra, ningun federacion a cristaliza.

Aparentemente e proximo paso cu Ministro Petronia lo tuma den un esfuerso pa solucionar e problema ta un reunion entre A.S.U. Vecuspo y N.A.O.C.

Detayenan manera fecha, lugar y lo demas di e reunion sin embargo no ta conoci ainda.

DON BOSCO DOS BIAHA CAMPEON

SAN NICOLAS, 20 febr.- E competitie di softball pa schoolnan, organisa door di Stichting Jeugdcentrale La Salle a bira un exito grandi. Durante diferente simanman e muchanan di diferente school tabata competi cu otro ariba tereno di softball. E campeon di junioren a resulta Don Bosco Juniors. E muchanagrandi (di cinco y seis klas) tabata Don Bosco Tigers cu a bira campeon, mientras cu sub campeon a bira Margriet school di Oranjestad. E cuater teamnan aki dentro di corto lo hanja nan Beca.



"SANTA PAULA" y "SANTA ROSA" bapornan

● moderno di **GRACE LINE**, semanalmente ta trece turista y carga pa nos isla.

*Usa e servicio eficiente di **GRACE LINE** biaha via **GRACE.**


Agente:

EMAN TRADING CO. INC


Oficina tel: 1156-1554-

5054-5055

Dock tel: 2135



STUDY is EASIER



General Nass ta bini Aruba

ORANJESTAD, 20 febr.- E comandante di e cuerpo di marinieran, general majoor di marinier JGM Nass lo haci un bishita na Aruba for di dia 24 februari te dia 27 di februari venidero.

El lo yega Aruba dia 24 mainta acompaña pa comandante di marinieran na Antillas, kolonel di marinier A.M. Luijk y su adjudant kapitan di marinier A.M. Harhoorn.

Despues di a haci un bishita cerca gezaghebber interino e lo inspecta e cuerpo militar na Savaneta Kamp, na unda tambe e lo asisti na algun practica y les den e kazerne.

Diamars mainta dia 25 general lo asisti na practica di tiramento di un compaigne na California.

Durante di e entrema aki un peloton atakando cu yudanza di avionan lo worde demonstra.

Despues di deliberacion na kazerne ta sigui un lunch serca Lago. Despues di merdia general lo asisti na practica di amphibico na Boca Prins. Anochi un dñer lo worde ofreci door di comandante di marinierkazerne Savaneta majoor di marinier G.C. Bailleux. Diarazon dia 26 di februari lo ta un bishita di trabao na Savaneta sigui pa un lunch cual ta worde ofreci door di Bestuurscollege. Ochor di anochi e general lo tene un inspeccion den longroom

INVITATION

The world famous star, **TONY MARTIN**

in cooperation with **JAKE KOZLOFF**

of the "ARUBA CARIBBEAN HOTEL-CASINO" and the "CARIBE" Club, cordially invites all teenagers of Aruba from 14 to 18 years of age to attend a show,

COMPLETELY FREE OF CHARGE !!!

Show by: **TONY MARTIN** and the famous singers "THE MARTONES"

Music by: **JORGE FASOLA'S** orchestra directed by ALBERT SENDREY

Date: FEBRUARY 21 st. 1964
Time: 6.30 p.m. to 7.30 p.m.
Place: "CARIBE" Club at Oranjestad

NO ADULTS, PLEASE !!!!

di mariniers kazerne na Savaneta.
Despues di asisti diahuebs dia 27 di februari na un ehercicio

amphibico na Eagle Pier y un tiramento den becindario di Miramar general lo sali e anochey atrobe pa Corsow.

Francia ta rechaza peticion Italiano

PARIS, 20 Febr. - Un corte di justicia na Paris a rechaza un peticion di Italia pa entrega dos Congoles, cu tabata relaciona ne asesinato di 13 piloto Italiano na Kindoe den Congo na anja 1961. E corte di justicia ta tuma den consideracion cu e asesinato no a tuma lugar na Italia. Despues nan lo dicidi tocante un peticion Congoles pa entrega dje dos hombernan aki, cu ta coronel Vitale Pakassa y Emmanuel Lonji. E hombernan aki a keda detene na Francia, pasombra nan pasaporte notaba bon.

Lidernan Bulgaro a sali pa Moscu

MOSCU, 18 febr. - E agencia ruso di noticia "Tass" ta anuncia cu e premier Bulgaro y lider di partido, Zikov, lo encabeza un delegacion Bulgaro, di cual e mas altu lidernan Bulgaro ta forma parti, pa Moscu. Tass no a participa nada tocante e intento di e bishita Bulgaro. Observadornan di occidente ta opina sin embargo, cu e ta relaciona cu e deliberacionnan, cu e lidernan comunistanan ta tene actualmente pa yega na stipulacion di nan punto di bista den e proximo fase di e lucha ideologica cu China Comunista.

Comision Europeo pa Washington

BRUSELAS, 20 febr. - E comision europeo ta prepara pa un entre cambio directo di idea cu e gobierno mericano tocante e vendero buelta Kennedy. Awe a ser informa den circulacion fidedigno Belgo, cu e vice presidentnan dje comision europeo, Marjolin (di Francia) y Mansholt (di Ulanda) y e miembro dje comision Jean Rey na cuminzamentu di otro luna lo sali pa Washington. Akinan nan lo tin un entrevista cu e representante Mericano pa kestionnan comercial, Christian Herter y e sub minister di asuntunan exterior George Ball.

Segun boseeronan na Bruselas e conversacion lo ta principalmente tocante kestionnan di tarlva, cu tabata ne deliberacionnan di

tarlva cu a cuminsa na mei den cuadro dje tal buelta Kennedy y a junga un papel importante.

E E G no ta pensa pa stop importacion di produccion agraria den sentido di proteccionismo, pero meste tene interesnan di su propio agricultura den bista.

GHANA NO KIER CUERPO DI PAZ

ACCRA, 18 febr. - Gobierno di Ghana a dicidi, pa no utiliza mas e servicionan di voluntarionan di e cuerpo mericano di paz despues cu e actual contractnan a termina, asina e ministerio Ghanes di ensenanza a participa. Actualmente tin 139 voluntario na Ghana, di cual 118 ta traha na ensenanza secundario y 21 como geologo.

Merca ta traha ley contra comerco cu Cuba

WASHINGTON, 18 Febr. - Ta worde calcula cu gobierno Mericano den curso di e siman aki lo participa con leu nan tin intencion di bai cu suspenso di yudanza economica y militar na paisnan di cual nan bapor y aeroplanonan ta transporta carga pa Cuba.

E proyecto di ley en kestion, cu a drenta na vigor antayera, ta prescribi un finalizacion di e yudanza na paisnan cu queda sin pone un fin na e embarcacionnan aerea y naval pa e regimen di Castro.

Pero president Johnson a haya autorizacion pa queda sin suspender e yudanza si esey ta na interes di seguridad Mericana.

E proceso contra Jack Ruby

DALLAS, 20 Febr. - Ayera, segundo dia di e proceso contra Jack Ruby, kende a tira e probable asesino di president Kennedy ora cu nan tabata hibe prison, e tribunal na Dallas a atende formacion di un jury. For di algun cien candidato e tribunal mester scoge 12 persona, cu no tin un prejustificacion contra e sospechado. Na final di e sesion, despues cu cuater candidato a worde interroga pa defensoran, hues y fiscal, no por a eligi un miembro di jurado ainda. Contra e promer cuater candidatonan tabatin diferente objecion. Un di e defensoran di

Tambe na Rotterdam nan ta hasi preparacion pa e vendero siman di buki. E conocido imagen di un mucha muher cu ta lesa na Coolsingel a hanja un banjo pa e mustra mas bunita posibel.



Ruby a utiliza esaki pa su argumento, cu e proceso no mester worde hiba na Dallas ya cu eynan no ta posibel pa forma un jurado inpartidario.

CAMBODJA KIER NEUTRALIDAD

PNOMPENH, 20 Febr. - Prins Norodom Sihanouk, hefe di estado di Cambodja a pidi Merca, Thailandia y Sir Vietnam pa manda delegadonan na Pnompenh pa negocia tocante neutralidad di Cambodja.

Segun e agencia di prensa na Cambodja e prins kier pa e paisnan aki reconoze e status neutral di Cambodja y su actual fronteranan di su parti Cambodja lo obliga su mes na estricta neutralidad pues e lo no afilia na ningun alianza ni tampoco e lo admiti basenan estranhero riba su territorio.

Concesionan di petroleo na Peru

LIMA, 20 febr. - E president di Peru a proclama un ley cu a worde acepta recientemente pa congreso Peruano y cu ta apodera e president pa tuma decisionnan tocante e concesionnan di International Petroleum Company na Peru.

E ley ta autorisa e president pa percura cu e concesionnan ta di acuerdo cu interes nacional.

REUNION NA BRUSSEL

BRUSSEL, E conseho di minister di e comision economica Europea, a reuni ajera na Brusel pa un sesion, cu probablemente lo dura te mayan. Entre e puntunan cu lo worde atende tin entre otro e relacionnan di e comunidad, Israel y Nigeria, asuntunan, cu segun opinion di gobierno na Bonn lo mes-

E temporada di toreamento a cuminsa na Spanya. Pero matador Rafael Chacarte, cu tabatin e honor pa sali como esun di prome den arena tabatin poco suerte. E toro tabata mas duru.

Unidad di moneda Centro Mericano

SAN SALVADOR, 20 febr. - E ministernan di asuntunan economico di e paisnan centro-americano a reuni ayera pa delibera un plan pa introduccion di un unidad di moneda pa Central America.

Actualmente ya e paisnan ta usa pa nan negoshinan entre otro un peso, cu igual na dollar mericano pero cu tin diferente balor na placa di Guatemala, Honduras, Nicaragua y Costa Rica y Salvador.

NOTICIA DI RECHERCHE

LADRONAN DI TELA Cu cooperacion di recherche di Corsow, recherche na Aruba a logra tira man ariba tres hoben sospecha di a horta tela na San Nicolas for di den un sastreria, cual tela nan a usa pa cose nan mes panja.

E hobenan C.A., F.F. y T.H. di respectivamente binti, dieznuebe y dieznuebe anja a worde encarcela mientras e investigacion ta continua.

Hisamento di peso

MOSCU, 20 Febr. - E hisado di peso Vladimir Golovanov, a cambia na Moscu e record mundial den press den clase lichtzwaar y a hibebe riba 163,5 kg. E record bleuw tabata para riba su nomber cu 160 kg, foi seis di december di anja pasa.





GOLPE DI ESTADO NA GABON A FRACASA

LIBREVILLE, 20 febr. - Trupanan frances a yuda president Mba di Gabon pa e bolbe asumi poder. E president a worde baha for di su puesto despues di un golpe di estado di ehercito ayera.

Militairnan frances for di Brazzaville, cu a worde hiba Libreville cu avion, a ocupa e punto estrategico den e ciudad awe entre e aeropuerto, e emisora di radio y oficina di correo.

Segun noticianan na ambos banda tabatin victima durante e bringamentunaa.

Despues radio Libreville a transmiti cu tur militarnan Gabones, cu a participa na egolpe di estado a entrega nan mes. Parce cu awor ta tranquil na Libreville. E intervencion di e trupanan frances a sosode segun e acuerdo frances gabones pa mantencion di orden. E acuerdo aki, cu ta data di 17 di mei 1961, ta hustifica un intervencion unilateral manera den e caso aki, ya cu president Leon Mba a worde arresta pa e motinador-

nan y a worde obliga pa tuma su retiro.

No ta conoci unda Jean Hilaire e probable lider di e golpe di estado, ta actualmente.

E conflicto rond Maleisia

MANILLA, 20 Febr. - Filipinas lo no reanuda e relacionnan diplomatico cu Maleisia prome cu e conflictonan entre Indonesia y e federacion nobo keda elimina, asina a worde participa na Manilla.

Un portavoz di e ministerio Filipino di exterior a participa cu president Macapagal di Filipinas a manda un mensaje pa president Soekarno, den cual e ta sigura cu Filipinas lo reanuda e relacionnan diplomatica cu Maleisia te despues cu e tres paisnan yega na un acuerdo tocante un solucion di e problema Maleisia.

Manera ta conoci Filipinas e Indonesia no ta reconoce e federacion Maleisia.

President Macapagal lo bishita Indonesia e luna aki. Poco tempu pasa el a delibera na Cambodja cu e premier di Maleisia, Abdoel Rachman.

Ghanesnan hoben a - demostra na e universidad di Accra - contra estudiante y profesornan cu no ta socialista. E demostracion di cual e portret aki ta duna un bista a sigui riba e retiro di algun estudiante blancu y profesornan cu a worde saca pa motibu di nan creencia politico.

SEgni NA PARIS

PARIS, 20 Feb. - President Antonio Segni di Italia a yega Paris, cu avion pa un bishita oficial di cuater dia na Francia.

E president Italiano, kende ta acompaña p a su esposa y e minister Italiano di exterior, a worde saluda na aeropuerto Orly di Paris pa president De Gaulle. Den e dianan venidero Segni lo tin diferente deliberacion cu e hefe di estado Frances.

Kasjmier dilanti conseho di N.U.

LONDEN, 20 Febr. - Pakistan lo bolbe hiba e asunto Kasjmier dilanti di conseho di seguridad di Nacionnan Uni otro luna.

Asina e minister di exterior di Pakistan, a participa na Londen. E minister ta na caminda pa su pais.

Na New York el a asisti na tratamentu di e asunto aki door di e conseho di seguridad. Un grupo for di den e conseho ainda ta tratando e asunto Kasjmier.

Maureen Doughty, secretario di Keyser Bondor na Baldock, Inglaterra a hisa un sacu di nylon pa aterrizaje di un helicopter. E helicopter ta mantene un coneccion especial pa clientenan potencial entre e fabricanan y Londen caminda nan ta prepara pa un siman di moda.





AWOR MAS ECONOMICO!

SOPA **Continental** de Pollo y Fideos



AWOR 2 PAKI Den Cada Cahita

MAS ECONOMICO!
MAS CONVENIENTE!

Aruba Trading Company



JOHANSSON KIER BOLBE DEN RING

GINEBRA, 20 Febr. - E ex campeon mundial peso completo, e sueco Ingemar Johansson, a declara na Ginebra (unda e ta biba) cu si e hanja un bon oferta - e kier bringa contra e ganador di e pelea Sonny Liston - Cassius Clay, cual ta tuma lugar diamars awor na Miami Beach.

Ingemar Johansson, kende a bringa tres biaha pa titulo mundial, a bisa cu den seis luna e lo ta cla pa un pelea pa titulo. E sueco a gana na anja 1959 pa knock out di Floyd Patterson, y despues a perde na anja 1960 di Patterson pa knock out y tambe e partido revanche entre nan dos el a perde pa knock out. Esey tabata na 1961.

Den e revue nobo riba ijs di Maxie y Ernst Bayer cu actualmente ta na Hamburg, Desmond Scott ta forma un atraccion unico. Su esposa ta bai sinta riba ijs cu un appel riba su cabes. Desmond Scott ta corre cu un velocidad enorme, ta bu-la y ta corta e appel net na dos cu su schaats.

6

RUSIA KIER DESTROI RAKETNAN NUCLEAR

GINEBRA, 20 Febr. - Semion Tsarapkin, lider dje delegacion ruso cerca deliberacionnan di desarme na Ginebra, a declara despues dje reunion ne periodistan cu nan no por tin ningun adelanto den direccion di desarme general, prome cu Merca acepta principio di destruccion di tur raketnan nuclear.

Un bohero dje delegacion mericano, a bisa cu e comentario di Tsarapkin tocante e reunion no ta nada nobo. Esey nos a tende caba. E Rusonan lo mester produci mas hecho y informan nan proposicionnan bon prome cu nos por tin adelanto, segun e bohero mericano.

Liston kier knockout Clay den di 3 round

MIAMI BEACH, 20 Febr. - E campeón mundial peso completo Sonny Liston ta pronostica cu el lo knockout Cassius Clay diamars awor dia 25 den pelea pa titulo, den di tres round.

Liston a bisa cu e no tin nada contra pa bai pisa huntu cu Clay, manera comision di boxeo di Miami Beach a stipula.

E manager di Liston, Jack Nilon, a haci esfuerço pa e boxeador pisa apart a base di e hecho cu Liston lo ta rabia riba e expresionnan di Cassius Clay y cu e lo por dal su hoben adversario knock out, prome cu nan subi ring.

Liston a bisa: "Mi no tin rabia riba Clay... e ta nifica hopi pa mi. E ta mi "million dollar baby".



Aki Papa Pablo ta ricibi shinishi den su capilla priva den Vaticano. Cardinal Tralia e pro-vicario di Roma ta ehecuta e ceremonia sagrado aki.

Avion di India a perde

NIEUW DELHI, 20 Febr. - Un avion di forsa aerea di India, cu diesdos oficial a bordo, entre cual e general di division Grewal, ta perdi for di ayera. Asina e minister di defensa na INDIA, Sjaban, a participa. E avion tabata na caminda di Srinagar pa Oedampoer, den edistrito Djammoer.

Jugoslavia contra desicion di Merca

BELGRADO, 20 Febr. - Jugoslavia ta decidido, di sigui respecta e principio di comercio liber y nabegacion den relacionnan internacional, asina un portavoz di ministerio di exterior di Jugoslavia a participa en conexion cu e desicion di Merca, pa no duna yudanza militar mas na paisnan cu ta negosha cu Cuba. E medida aki ta contra di e principio di nos.

E actitud unilateral y discriminante ta forma den e tempu aki un anachronismo, cu ta causa danjo na e proceso di merguacion di e tension y desarrollo di e relacionnan amistoso den sentido di coexistencia pacifica, asina e portavoz a bisa.

Esaki ta un comparacion di e Satellite, Echoll cu Merca a lansa ultimamente den espacio, banda di un cas normal.



AGENDA

ARUBAANSE COURANT
 diariamente cu excepcion di
 diadomingo
 subscripcion f. 3.25 pa luna
 edicion los 20 ct.
 edita pa:
N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.
 imprimi na:
N.V. DRUKKERIJ
 „DE STAD,”
 Telefoon 1116 Directiva y redac-
 cion, 2116 Anuncio y subscrip-
 cion.
 Directeur hoofdredacteur:
 D. Wolff.

POR CUMpra ARUBAANSE
COURANT NA E SIGUIENTE
LUGARNAN:
 NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.
 NA SAN NICOLAS:
 UNION STORE.

RADIO CARACAS TELEVISJON

- 8.45 Senderos de luz
- 9.00 Cajas con sorpresas
- 9.30 Jardin de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Montever-
de
- 15.15 Perfecta ama de casa
- 15.45 Aventuras de Popeye y
Yeyo
- 16.15 Mejillas y sus muchachos
- 16.45 Busque su marca
- 17.15 Sir Francis Drake
- 17.45 Noticias
- 17.50 El Santo
- 19.00 Mi tres hijos
- 19.30 Dragnet
- 20.00 El observador
- 20.15 Novela
- 20.30 Esta noche Billo
- 21.00 El matrimonio perfecto
- 21.30 Los defensores
- 22.30 Noticias
- 22.35 Cine para todos

TEMBLOR NA SUISA

SARNEN, 19 Febr. - E comunidad-
 nan di Sarnen y Kerns den ekan-
 ton Suiso Oswalden a worde span-
 ta den anochi di Dialuna pa awe
 door di temblornan di diferente
 forsa cu a sigui awe mainta. Aye-
 ra tabatin diferente temblor na
 Central Suisa.

Candidatonan pa presidencia na Francia

PARIS, 19 Febr. - Na Francia a
 presenta ayera dos candidatonan
 pa presidencia, pa cual lo tin
 mas tarda na fin di otro anja elec-
 cion, despues cu e periodo di go-
 bernacion di De Gaulle termina.
 E candidatonan nobo ta e ex-
 delegado radical - socialista, Jean
 Paul David, quende quier partici-
 pa na nomber di e partido cu el a
 funda despues "partido Liberal
 Europeo", y coronel Trinquier, e
 president di e sociedad di Fran-
 cesnan di Noord Afrika y Ultra-
 mar.
 E organisacion aqui ta consisti
 principalmente di repatriadonan
 for di Argelia.
 David no a worde reeligi den a-
 samblea Nacional na anja 1962.
 Actualmente e taburgemeester di
 e ciudad Mantes - Les - Jolie, un



*Na fin di maart no-
 benta millon moneda
 di mei dollar lo wor-
 de saca na Merca
 cu e imagen di difun-
 to president Kennedy
 ariba. E otro banda
 ta muestra e sella di
 e president y e valor.*

ciudad na rand di Paris.
 E candidato mas principal pa
 president ta e socialista, Defer-
 re, quende ta actualmente burge-
 meester di Marseille.

MERCA TA AVISA MAROKKO

Segun e corant "Maroc Informa-
 tions" di Marokko Merca a avisa
 gobierno di Marokko cu, ya cu e
 ta ricibi yudanza di Merca e no
 por permiti pa bapornan di Ma-
 rokko nabega riba Cuba. Parce cu
 esaki ta e di tres aviso di Merca
 den dos luna na Marokko.
 22 Minister Aleman

MINISTER NOBO NA ALEMANIA

BONN, 19 Febr. - Ernst Lemmer,
 ex-minister pa asuntunantocante
 henter Alemania y un adversario
 fuerte di Comunismo, a worde
 nombra awe como minister pa
 asuntunan tocante refugiados di A-
 lemania Occidental.
 E ta sigui Hans Krueger, quende
 a retira despues cu a wordepar-
 ticipa cu e tabata huez di un tri-
 bunal especial di Nazinan na Po-
 lonia.

PROCESO NA MUNCHEN

19 febr. - Awe a
 cuminsa na Muenchen e proceso
 contra un pastoor catolico reti-
 ra foi su puesto y un cantante
 Mericano di opera cu ta acusa
 di a asesina na juni di 1960
 Botho Conrad di 20 aña. E pas-
 toor di 52 aña Franziskus Ul-
 rich, huntu cu un persona mas
 a mata Conrad despues cu e-
 saki a amenaza di conta e re-
 lacionnan homosexual cu e pas-
 toor tin cu nan. E cantante Me-
 ricano di opera Tyler Long ta
 acusa di tin complicitad na a-
 sesinato. E defensor di Ulrich,
 a bisa awe dilanti corte di jus-
 ticia cu no tin identidad dje cada-
 ver cu a ser descubri dia 30
 di juni 1960 ocho dia despues
 dje asesinato den un graf no pro-
 fundo. E defensor a bisa cu e
 proceso no por ser haci si no
 por muestra claramente cu e ca-
 daver por wordu identifica como
 esun di Conrad.

E CONFERENCIA DI DESARME

GINEBRA, 18 febr. - Tur parti-
 cipantenan di e conferencia di
 desarme na Ginebra a desmenti
 awe mainta prome cu sesion
 a cuminsa e rumornan, cu U-
 nion Sovietica lo kier suspende
 e conferencia. E rumornan aki
 a worde causa probablemente
 door di e discusionnan tocante
 e experto Ruso di desarme y
 miembro di e servicio secreto
 Ruso, Nossenko, kende manera
 conoci a pidi asilo politico na
 Merca. Parce cu Union Sovieti-
 ca y Merca ta considera e asun-
 to-Nossenko como termina. Den
 e sala di conseho di e palacio
 di Naciones Uni tabata reina

un ambiente di reconciliacion na
 inauguracion di e sesion door di
 e president, e embajador Ruso-
 Sovietico, Tsarapkin.

Procesonan nobo na Alemania

BONN, 19 Febr. - Ayera a cu-
 minsa na Brunswijkasonan con-
 tra cinco ex oficial y sub oficial
 di SS, cu ta worde husga pa
 motibu di asesinato of complice
 na asesinato riba 5200 hudu-
 den e ciudad Pins cu antestabata
 Polaco pero awor ta Ruso. E ma-
 tanza cruel aki a tuma lugar
 riba orden di Himmler.
 Su orden tabata cu mester a
 mata tur huduinan den e barrio
 ey y cu mester a corre cu e
 muhenan laga nan baha den pan-
 tano.
 E operacion Pins mester a wor-
 de ehecuta, aunque cu esey lo a
 costa algun dia, ademasa cuminsa
 na Kiel e proceso contra e
 ex oficial di SS, Hans Graafis,
 kende ta worde acusa di a duna
 orden pa ehecutacion di 1500 hu-
 dlu na Baranovitsj, Minsk y Mo-
 gilev, den segundo mitar di anja
 1941.

TEMPESTAD NA CANADA

HALIFAX, 19 Febr. - Vientunan
 di tempestad cu un velocidad
 di mas o menos 130 kilometer
 pa ora cu ta transporta mas di
 250 mil di sneeuw, a azota e
 provincianan litoral di Canada,
 door di cual trafico a keda tur
 bruha.
 Hopi servicionnan aerea a worde
 suspende, camindanan tabata blo-
 quea y na algun caminda, no por
 a mira practicamente nada.
 Pafor di e haafnan Halifax y di
 St. John e bapornan ta warda
 te ora cu e tempestad a pasa.

un otro caminda. Akina no ta
 asina sociale. Mi conoce un bar,
 cu un bunita mucha muhé. Casi
 sigur bo ta bay gusté". "Pablo,
 si bo senjora mester tende esey!"
 "Y kiko? mi senjora ta biba
 solamente pa e miserable drumi
 ey den y tambe pa Jean. Nos
 yiu muher no ta akina awor,
 bo sa. Y ademá kiko mi haci,
 no ta importa Ina mas". Sin
 spera un contesta Pablo a cana
 sali pafó. Olger a drey mira rond,
 despues el a cana bay na e mesa
 y a pone keto keto un papel
 di placa bou e glas. Despues e
 tambe a sali eyden.

xxx
 Varios dia despues Olger Banru
 a boibe bishita su amigo, pa pa-
 pia cu né tocante algun cosnan
 importante. El a haya e porta
 medio habri, y despues cu el a
 bati un rato, el a drenta den e
 cushina. El a keda mira tur
 rond pa mira si tin un hende,
 pero ni Pablo ni su casa tabata
 eynal. Atrobe el a bay den e
 corredor, pero e ora ey el a keda
 pará, pasobra e por a tende al-
 gun sonido for di e kamber banda
 di dje. Algo, di cual e mes no
 por a duna su mes cuenta, a
 conducielo dilanti. Poco poco,
 el a habri e porta. Su mirata a
 drey rond den e kamber chikito,
 y el a keda mira den un cama
 blanco chikito, caminda tabata
 tin un mucha chikito, flaco, drumi.

AMARGA R EXPERIENCIA

Novela pa

Pancho Papa la Poncha Pi

No. 1

"Mira pa bo haya algo di bebe
 mesora, Ina". "Mi no por
 Pablo", Ina a contesta poco po-
 co. "Mi no tin mas placa, bo
 sa masha bon cu mi a dunabo
 tur mi placa awe mainta". "Y
 bo ta kere cu mi mester kere
 esey? Bo a caba di traha toch?
 Stop di haci coy loco cu bo curpa!"
 "No, Pablo, e placa ey mi
 no ta dunabo". Ina su stem tabata
 zona decidi y duro. "Cu masha
 trabao mi a haya e placa ey,
 pa sikiera asina e muchanan
 por haya algo di come". "Bo
 mester bay busca algo di bebe",
 Pablo Bergen a gritele cu rabia.
 "Sino mi ta corre cu ne foy
 akiden, ba tende?". Cu wowonan
 nancho habri y morto spantá
 na a keda mira su casa, cu
 poco poco ta jega mas serca di
 lje. Su conducta tabata asina
 amenazador, cu involuntariamen-
 te Ina mester a hala poco atras.

"Pablo", Ina ta purba roguelé
 ainda, "e muchanan mester sufri
 hamber, pasobra abo no tin sufi-
 ciente bebi ainda? Ademá bo ta
 burachi caba". Pablo a coy Ina
 tene duro na su schoudernan.
 "Bo conocemi Ina, mi ta haci
 loke mi bisa. Y si bo sigui mo-
 lestiami den presencia di mi
 amigo...e ora ey..., por Dios...
 mi ta corré foy akiden! Asina ta,
 bo tabai busca algo pa bebe of no?"
 Ina a zak su cabez y el a hala
 rosea pisá. "Okay mi lo hacié",
 el a bisa despues, y cu pasonan
 cansá el a sali bay. Olger Banru
 a corre hala tras, ora cu Ina
 a sali foy cushina y a coy su
 mantel. El a bira e testigo in-
 voluntario di un combersacion
 cu indudablemente a conmové.
 El a bin bishita Pablo, pasobra
 e ta su amigo, y é kier a despedi
 di dje. Cu pasonan pura Olger
 a bay bek den sala, pasobra nin-

gun hende mester sa, cu el a tende
 e combersacion. Esey a bira
 di su companero bjeuw di
 school, e ta pensa, Awe ta prome
 biaha cu el a mirele atrobe, des-
 pues di hopi anja. Ora cu Pablo
 a drenta tambe, bo no por a mira
 nada na su cara, cu awor ey e
 tabata tin un pleito grandi cu su
 senjora. Al contrario, su cara
 ta muestra contento y yen di pep.
 "Un bez, nan ta trece cos pa
 bebe", el a bisa hariendo, mlen-
 tras cu el a cay sinta. "Tende".
 Olger a puntra cu cuidao. "Ki-
 ko bo ta haciendo ultimamente?
 Mi kier meen, ainda bo ta traha
 na e firma aya?". "No, basta
 luna pasá, nan a kitami foy tra-
 bao", Pablo a contesta serio.
 "Esey ta bo cuenta anto? Asina
 ta, no papia mas di esey. Y
 ademá mi tin un bon trabao
 awor. Ayudante na Pelrez & Co.
 En todo caso, cu loke mi ta gana
 mi por bebe algo bon". "Den
 nomber di Dios, Pablo. Esey
 no ta un trabao pa bo! Bo ta
 un ingeniero bon sinja". Hende
 manera bo, ta worde solicita
 tur caminda. Pakiko bo no ta
 busca un otro trabao, Pablo?"
 Pablo a keda pensa un rato keto
 keto, y el a hiza su moketanan
 den laira. "No puntra asina hopi,
 pasobra mi no por dunabo con-

testa". Na e momento ey, Ina
 a cana drenta. Olger a bula
 lanta y kier a coy un stoel pé.
 pero el a sacudi su ca-
 bez cu no, y despues a
 pone e botter riba mesa
 el a sali bay. Olger Banru no
 por a soporta e atmosfera aki.
 "Mi ta bay awor, Pablo, y no
 tumami na malo". Pablo Bergen
 kier a protesta contra e decision
 di Olger, ora cu di repente nan
 a tende un grito tras di e porta,
 un grito cu a hasi hende su
 sanger congela den su curpa.
 Olger a bira palido, y el a keda
 mira Pablo sustiá, kende a pone
 su glas riba e mesa cu su man-
 nan temblando. "Kiko esey ta?"
 E gritamento a stop un poco,
 y Olger por a tende e stem joven
 y carinjosu di un muhé, cu ta
 paplando cu un hende. "Si bo
 bin bishita nos mas biaha, mi
 ta pidibo pa bo no worry cu e
 gritamento ey", Pablo a bisa
 indiferente. "Esaki ta un cas
 di hende loco. Y e criatura
 ey pa casualidad ta mi yiu hom-
 ber!". Olger a keda manera
 paralizá di sorpresa. Maske con
 malo e palabranan ey a zona
 den su orea tin un tragico inde-
 cible den e famia aki, e ta pensa.
 Pablo a lanta para y a rek su
 curpa delegá. "Ban, laga nos bay

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.

Horoscopo personal

ARIES 21 maart - 20 april

E anochi aki ta masha favorable pa bo tin contacto cu otro y pa usa bo talentonan. Usa tur bo atencion na personanan stima, tambe yuinan tin mester di bo interes awe.

TAURUS 21 april - 21 mei

Awe lo bo sinti di tin un bon pleito cu un cierto persona, pero domina bo mes apesar cu lo bo tin desunion. Anochi lo trece mejoracion pabo.

GEMINI 22 mei - 21 juni

Mainta ta masha favorable pa biahanan cortico y bishitanan pa informa otro di bo intencionnan y deseonan. Banda di merdia lo trece algun problema chiquito pabo cu no ta di mayor importancia.

CANCER 22 juni - 23 juli

Pone bon tino pa no haci gastonan cu no ta necesario, apesar cu otronan ta purba lagabo haci esaki. Cuida bo placa bon pa no hanjabo den sorpresanan menos agradabel.

LEO 24 juli - 23 agosto

Mainta ta tempo pa bo actua rapido, especialmente ora cu ta trata di asuntonan na un distancia.

VIRGO 24 agosto-23 september

E dia di awe ta un dia masha favorable den asuntonan di negoshi y asuntonan di amor den ora di atardi.

LIBRA 24 september-23 oktober

Awe ta un dia favorable pa deliberacionan y pa bo palabra y haci acuerdo. Anochi tene sumamente respet pa otronan pa esaki no causabo danjo.

SCORPIO 24 oktober - 22 november

Trabao bon haci awe lo trece hopi aprecio pabo y cu resultadonan valioso. Pero no laga esaki ta un motibo pa bo haci gastonan grandi anochi por ta agradabel pabo.

SAGITARIUS 23 november - 23 december

Casi sigur lo bo no ta satisfecho awe cu contestanan cu bo hanja di otro of cartanan cu bo ricibi, pero en general e dia aki ta favorable pabo, pesei no perde animo.

AQUARIUS 21 januari - 19 febr.

Otro hendenan lo por dunabo gran yudanza den bo trabao of cas. Sea sabi y laga otro sabi kiko nan por spera dibo. Mostra bo carinjo pero sea alerta.

PISCES 20 februari - 20 maart

Lo bo tin hopi exito awe mainta si bo trata di logra algo. No laga otro strobabo asina cu bo efectencia lo bruha awe tardi.




CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACEY

